

Universitätsbibliothek Paderborn

**R. P. Ioannis Azorii Lorcitani, Societatis Iesv Presbyteri
Theologi, Jnstitvtiones Morales**

In Qvibvs Vnivers[a]e Qvaestiones ad Conscientiam recte aut prauè
factorum pertinentes, breuiter tractantur

Azor, Juan

Coloniae Agrippinae, 1602

14. Quædam aliæ quæstiones circa eandem rem.

urn:nbn:de:hbz:466:1-14077

huiusmodi solemne Votum continentia à solēni Voto Religionis, quod Religionis professione matrimonium ratum, quod non est consummata dirimitur, non tamē sacri ordinis suscepione, ut habeatur in Coniunctione Iohannis XXII. que incipit. Antiqua, De Voto, & Voto redempt. Rursum coniux vxore annuente potest iure ad sacros ordines promoueri; dummodo ipsa si iuuenis sit, aut ob incontinentiam suspecta, Religionem profiteri cogatur: ut sentiunt Hostiensis, Calderinus, Antonius & Abbas in cap. Coniugatus de conuers. coniugat. Quamvis alij opinentur id necesse non esse, sed verius est primum. Si vero vtrunque absit, hoc est, nec iuuenis, nec suspecta sit, satis est, si extra Religionem continentiam voverit, cap. Coniugatus, De conuers. coniugat. At vero si maritus in Epilcopum eligatur, requiritur, ut vxor simpliciter Religionem profiteatur, quamvis sit ætate proœcta, nec suspecta de incontinentia. Sic Hostiensis, Calderinus, Antonius, Abbas in c. Sanæ, De conuers. coniugat. SI QVÆRAS, an coniux possit iure ad primam Tonfuram, & quatuor minores Ordines promoueri. Respondeo, minime, nisi volentem ad Religionem transtire, vel ad sacros ordines ascendere, ut dicitur in cap. vlt. de iep. ordina, in sexto.

OCTAUO Quæritur, quid sit iure Canonico constitutum de Clericis minoribus contrahentibus nuptias? Respondeo: Si duxerint vxorem, ratum est matrimonium, nec duendo, nec viendo coniugio peccant. Doctores in cap. 1. De cleric. coniug. ex Alexandro Tertio, ipso tamen facto Ecclesiastica beneficia amittunt, ut in eodem cap. statuimus, & ab vnu ordinu remouentur. QVÆRAS, an statim amittant per matrimonium ratum nondum consummatum? sententia est omnium communii consensu recepta, amittere, in modo si sponsa antequam matrimonium consummatur Religionem profiteatur, maritus beneficia non recuperat. Abbas, Imola & alij c. i. de cleric. coniug. quoniam beneficium fuit amissum, & obligatio semel tantum extincta amplius non reuulicit; nec Beneficium amissum reperitur, nisi de nuo conferatur. Vacant etiam quilibet iura vt regressus, accessus, ingressus, ad Beneficium Ecclesiasticum, ut ait Glossa qmam cæteri teste Couarruia sequuntur. ROGABIS insuper, an una cum Beneficijs Ecclesiasticæ quoque pensiones amittantur, & cessent. Respondeo amitti: nam quæuis sint, qui afferant eas non amitti, verius tamen alij senferunt, eas omnes cessare, & extinguiri, quæ nomine & ratione Clericorum habentur. Ita Hieronymus Gigas, Cardinalis, Ioannes Baptista, & alij quos citat & sequitur Couarruia, loco citato, num. 6. hoc enim habet vnu, & stylus Curia Romana. Ex vero pensiones quæ non dantur nomine Clericorum, ea ratione non cessant: quales sunt quæ auctoritate Romani Pontificis conferri solent certorum Ordinum Militibus coniugij vinculo alligatis. Questionis est tamen dubia, & incerta, an si talis Clericus contrahat matrimonium, quod ratione alij cuius impedimenti Canonici sit irritum, Ecclesiasticum Beneficium amittat. Respondeo distinguendo cum Abbat, & Ioanne Andrea in c. diuersis, De cleric. coniug. Si matrimonium sit irritum, & inane, quia in eo

Clerici contrahentis consensus desit, Beneficium Clericus non perdit: Si vero adit consensus, & matrimonium nullius momenti sit propter aliud Canonicum impedimentum, quod ipsum coniugium irritum reddit, ipso facto Clericus Beneficium, & pensionem Ecclesiasticam amittit. Ut si contraxerit cum consanguineo, vel affini, in gradibus Ecclesiæ lege interdictis. Item, quæres, an Beneficium vacet vel pensio amittatur, ipso facto, si huiusmodi Clericus contrahat matrimonium cum impubere? Id quidam affirmant, inter quos est teste Couarruia Staphileus, sed Henricus vnâ cum alijs quos refert & sequitur Couarruia, loco citato, num. 4. negat, nec immerito: siquidem coniugium cum impubere contractum vim, & locum matrimonij iure Canonico non habet, sed sponsaliorum tantummodo naturam & vicem, quæ sunt simplex futuri coniugij promissio. Postremò, si quæras an si huiusmodi Clericus sola sponsalia contraxerit, pensionem Ecclesiasticam amittat? Respondeo cum Abbat, & alijs, nequam, sicut nec Beneficium perdit, vt paulo ante dixi: nam cum hæc sit poena iuris, restringi debet; Canones autem solùm voluerunt per coniugium Beneficium Ecclesiasticum ac proinde pensionem amitti.

Nono queritur, An Clericus in sacris ordinibus constitutus si nuptias contraxerit, crimen incurat, quod sacrorum Inquisitorum auctoritate cognosci, iudicari, & puniri debet? Quidam, inquit, si publicè contraxerit, ius habere Inquisitores in eum animaduertendit, non tanquam in hæreticum, aut de hæresi suspectum, sed tanquam male sacramento abuentem. Alii vero simpliciter id negant, quia nec est hæreticus, nec de hæresi suspectus, nec sacramenti tempor, sed folum legis Ecclesiastice violator. Siman. de institu. cathol. tit. 40. num. 13. videtur docere huiusmodi crimen à sacris Inquisitoribus iure posse cognosci, iudicari, & puniri, quia Clericus abutitur matrimonio, & quia suspectus de hæresi est.

Caput XIV.

Quædam aliæ questiones circa
candem rem.

PRIMO Quæritur, An qui post matrimonium consummatum suscipit sacrum ordinem in Latinorum Ecclesia, possit iure vni coniugio ante contracto. Communis est omnium opinio, quæ habet S. Thomas in additionibus ad 3. partem, quælio. 53; artic. 4. ad 1. vbi distinguit sic, aut suscipit ordinem sacrum vxore annuente, aut renuente, vel inscia. Si annuente vxore, nec petere, nec redere debitum coniugale potest: nec petere, quia se voto castitatis obstrinxit; non redere, quia eo ipso, quod vxor annuit ac voluit, ut vir sacrum ordinem suscipiat, debuit votum continentia facere, ac proinde se iure petendi debitum coniugale priuauit. Si inuita vel ignorante vxore sacrum ordinem suscepit, debitum coniugale exigere iure nequit, debet tamen vxori petenti reddere: petere non potest, quia voto continentia se se obligavit, & ideo suo iure pendi-

tendit

tendi cessit. Reddere tamen cogitur, quia cum vxor renuerit, vel ignorauerit, suo iure petendi non cessit, ac propterea ipsi petenti vir debitum soluere iure compellitur.

Secundū quæritur, quid iuris sit, quando vir post matrimonium nondum consummatum sacram ordinem suscepit. Respondeo in primis, innita vel inscia vxore iure non posse maritum ad sacros ordines ascendere, licet ad Religionem transire iure queat. Abbas in cap. 1. de conuersione coniugat. Deinde aut vxore renuente vel ignorante id maritus facit, aut annuente. Si annuente, matrimonium consummare non potest, neque petendo, neque reddendo debitum. Non petendo, quia votum perpetua continentiae fecit; non reddendo, quia vxor eo ipso quod annuit, castitatis votum emittere iure compellitur, & ideo se iure petendi priuauit. Si renuente vel ignorante vxore id faciat, petere debitum iure non potest, quia votum Castitatis emisit. At dubia quæstionis est, an vxori petenti debitu soluere iure possit. Meo iudicio non potest, quia eo ipso quod sacram ordinem suscipit, continentiae voto obligat se Deo, & cum matrimonium sit ratum, non consummatum, debet implere votum ingrediendi in religionem, quia iure potest ingredi etiam inuita vxore, & cum ingredi iure queat, id facere iure compellitur, ut votum continentiae seruet. Et hoc multo probabilius & verius existimo, quam opositum: hæc enim quæstio est eadem, quæ illa, an qui post votum simplex castitatis nuptias contraxit, & matrimonium nondum consummavit, iure ipso cogatur ingredi in religionem, ut suum votum seruet. Sot. in 4. dist. 38. q. 2. art. 1. sensit, iure non cogi, & proinde tuta cōscientia posse consumma re coniugium, non quidem perendo, sed reddendo debitum. Sot. sententiam nonnulli viri pji, & docti sequuntur. At ego probabilius puto quod Palu. in 4. dist. 38. quest. 3. art. 3. conclus. 5. & dist. 27. q. 1. art. 3. in cap. 5. & Silu. Matrimonium. 7. quest. 1. & Asten sis Hostiensem sequutus, lib. 8. tit. 11. art. 2. quest. 5. dixerunt, debere se ad Religionem cōferre, quia cum id possit iure facere, debet facere, ut votum continentiae seruet.

Tertiū quæritur, an vir, qui post matrimonium, sacram ordinem suscepit, irregulare sit factus? Respondeo, eo ipso irregularitatem contrahere: nam in Extraganzi Ioan. 22. Antiquæ de voto & vot. redemp. legimus ordinamus, quod nec matrimonio soluto in sic suscepto ordine ministriare, nec ad superiores ordines prouehi, nec ad aliquod Beneficium vel officium Ecclesiasticum valeat promoueri.

Quarto quæritur, an vir post diuortium legitima iudicis auctoritate factus, possit iure ad sacros ordines promoueri. Respondeo quidam Theologus in tract. de Sacramento Matrimonij. q. 53. art. 4. Si vxor fuit causa diuortii, vt potè quæ adulterium admisit, posse, quia ita, inquit, definitur in cap. Confronitus, de conuersione coniugat. Et quia id ratio ipsa probat: nam ea ipse vxor ius petendi debitum amittit, & vir potest vel ad Religionem transire, vel sacros ordines capessere, vel in seculo manere & vxori debitum denegare. Sed hæc sententia dubia & incerta est, ut fusus dicam in q. 13.

Quinto quæritur, An vir, qui post matrimo-

nium, per vim vel metum mortis, qui metus dicitur cadens in virum constantem, sacram ordinem suscipit, possit vti coniugio ante contracto. Communis est opinio, posse, quia votu continetia est iure irritum & inane, si factum sit vi vel metu mortis. Silu. Ordo. 4. q. 1. vbi citat Ray. Angelum, R. ofellam & alios.

Sexto quæritur, An apud Græcos, si vir post matrimonium, sacram ordinem recipiat, possit iure vti coniugio tempore ministerij sui sacrificari. Thomas in additionibus, quest. 53. art. 4. ad 3. respondeo distinguendo sic, aut suscipit repugnante vel ignorante vxore, vel consentiente. Si repugnante vel inscia, petere non potest, sed reddere debitum cogitur. Non potest exigere, quia ipse se hoc iure priuauit: debet soluere, quia vxor ius suum petit, cum reclamauerit, vel ignorauerit, nec suo iure ceſſerit. Si annuente vxore, nec potest petere, nec reddere, quia vterque suo iure ceſſit. Sic etiam Asten sis in sum lib. 8. tit. 22. art. 2. Nam apud Græcos etiam viri sacros ordines suscipere iure nequeunt absque vxoris consensu, ut ait Asten sis loco citato sequutus Lau. Ioan. & Ray. Hostiensem.

Septimò quæritur, An apud Græcos vir sacris ordinibus initiatuſ mortua vxore possit alia duſcere. Respondeo, non posse, nec matrimonium ratum erit, si alias nuptias contraxerit. quoniam etiam apud Græcos sacerdos digamus esse iure non potest. Sed dubia quæstionis est an idem iuris sit de vxore, ita ut defuncto viro alteri nubere nequeat. Thomas in addit. q. 53. art. 4. ad. 4. responder, aut vxore volente vir ad sacros ordines promotus est, aut reluctante vel nescia, si vxor annuit, alteri nubere iure nequit, quia eo ipso iure suo ceſſit: si repugnauit, vel ignorauit, potest ad secundas nuptias transire, quia ius suum non amisit.

Octauo quæritur, An qui per vim, vel metum in constantem virum cadentem ad sacros ordines promouetur, continentiam seruare cogatur? Hanc quæstionem tractant Canonici juris interpres in c. Maiores. §. vlt. de Baptism. & eius effectu. Et in Clem. vlt. §. vlt. de stat. & qualitat. ordinando. Convenit inter omnes, eum, qui per vim sacris ordinibus initiantur, castitatem seruare nullo iure compelli, & posse nutu suo nuptias contrahere: quoniam sacram ordinum characterem non suscipit iniunxit. Silu. Ordo 4. q. 1. Angel. Ordo 3. q. 25. Rosel. Ordo 3. num. 5. Tabien. Ordo 2. q. 16. Armil. Ordo num. 13. Glorla & Doctores in cap. Maiores. §. vlt. de Baptismo, & eius effectu. Tota quæstio locum habet in eo, qui per metum cadentem in constantem virum ad sacros ordines prouochitur. In hac quæstione si auctoritate & testimonio Doctorum sententiam definire velimus, difficile est, quoniam utramque partem quæstionis, Doctorum multorum confirmat auctoritas, quamvis, ni fallor, plures sint, qui senferint, eum castitatem seruare debere, si ante susceptos ordines sacros, matrimonio solutus sit. Si vero ratione ponera, & firmamenta expendamus, potius definire debemus, eum continentiam seruare nullo iure cogi. Constat inter omnes, eum, qui sacris ordinibus initiantur, si ante ordines matrimonio coniunctus erat, continentiam

seruare non cogi contra vxoris voluntatem. Quæstio igitur est, de eo, qui ordinatur, & ante ordines, matrimonij vinculo liber & solutus est. Sunt duæ opiniones. Vna affirmat, eum iure cogi castitatem seruare. Sic Goff. in Sum. de etate & qualit. ordinum. Raimun. in Sum. de etate & qualit. ordinis. Hoffien. in Sum. de etate & qualit. ordinis. Palud. 4. distin. 38. quest. 3. artic. 4. conclus. 6. Antonin. 3. par. tii. 14. cap. 16. §. 18. prop. finem. Silu. Ordo. 4. quest. 1. Tabien. Ordo. 2. quest. 17. Pisanel. cum supplemen. Ordinatus. 1. versic. virum coactum ordinatur. Armil. Ordo. num. 14. Archidiac. cap. de Iudeis. distin. 45. ad finem. Ioannes And. Antonius But. Abbas. in cap. Maiores. §. vlt. de Baptif. Cardin. in Clem. vlt. de etat. & qualit. ordinis. §. vlt. num. 14. Henricus Boich. in cap. Maiores. de Baptismo. §. vlt. Preposit. in cap. 1. distin. 74. Cardin. in cap. de Iudeis. distin. 45. Deinde dicit Abbas in capite citato maiores: hanc esse opinionem communem: intelligit esse communem inter Canonici iuris interpretes. Altera opinio negat eum debere continentiam seruare, sed ait, posse nuptias contrahere, si velit. Sic opinatur Glossa in cap. Maiores, verbo conditionaliter nolens de Baptif. & in cap. Vbi ista. distin. 74. Vincent. Phil. & Ioann. in Sum. Confesso. de etat. & qualit. & temporib. ordinis. quest. 50. & 51. Angel. Ordo. 3. num. 26. Rofel. Ordo. 3. num. 5. Mai. in 4. distin. 24. quest. 2. ad argumentum. 5. Sot. in 4. distin. 25. quest. 1. artic. 2. tametsi alibi contrarium dicuntur Lib. 7. de Iust. quest. 2. artic. 5. ad finem, sic ait. Quapropter etiam si quis consensu extorto per metum cadentem in constantem virum sacris initietur, votu etiam eodem castitatis tenetur secundum dexteriorem opinionem, ut bene ait Siluestri in verbo. Ordo. 4. Nisi forsitan vxori est matrimonio coniunctus, qui inuita vxore abstinere non potest. Atque id probat argumentum sumptum ex cap. de Iudeis. distin. 45. Vbi illi Baptizati ad fidem coguntur, propterea quod charactere essent insigniti: & tamen illis, qui renunt, grauius est ad totam Christianam Religionem obligari, quam ad solum castitatis votum. Hæc ibi Sotus, vbi sibi in multis aduer satur. Nam in 4. distin. 25. quest. 1. artic. 2. Oppositam sententiā docet: & Siluestri opinionem refutat: & argumentum sumptum ex cap. de Iudeis dicit, nihil concludere. Rota in Decisionibus recenti typis mandatis. par. 1. Decis. 660. videtur approbare primam sententiam communem: sed Decis. 661. omnino secundam opinionem amplectitur. Et eam etiam videtur Innoc. sequi in c. vel non est compos. de temporib. Ordinat. & Ricar. in 4. distin. 25. artic. 4. quest. 2. ad 3. Mihil videtur secunda opinio multo magis cum ratione ipsa & iure congruere. Nam ut recte argumentatur Glossa in c. Vbi ista, & cap. Maiores, supra citatis, castitas perfecta & integra, est res voti, non præcept. c. Integritas. 32. q. 2. Item, quia continentia non nisi voluntaria debetur. c. ante triennium, distin. 31. & cap. Præfens. 20. quest. 3. Infuper, vbi motus in viru constantem cadit, votum vim non habet. c. Perlatum. Et cap. Cum dilectus, de his, que vi metus causa fuerit. Accedit his, quod eandem rationem videatur exigere votum tacitum, quam exigit votum expreßum, sed votum expreßum continentiae per metum extortum irritum est, ergo & tacitum. Et hanc opinionem, ut ait loco citato Rota, Stylus Cancellariae approbavit, que liberam dat facultatem, ut contrahat nuptias is; qui sacros ordines recipit per vim, vel per metum mortis, vel antequam sit doli capax.

O B I C I E S, naturam & conditionem eius, quod est principale, sequitur id quod accedit ad principale, sed is, qui per metum sacros ordines suscipit, charactere recipit ordinis, ergo eo ipso cogitur continentiam seruare: alioqui enim ordinem receptum despiceret videretur. Respondeo, id quod accedit ad alterum, sequitur conditionem eius, quando ea duo sunt sibi connexa vi & natura sua, vel iure diuino, at continentia est sacris ordinibus annexa decreto Ecclesiæ, & votu tacito, quod Ecclesiæ constitutione sit. At votum non fit nisi sponte: alioqui per metum mortis datum, irritum esse Ecclesia constituit.

O b j i c i e s Secundo. ex cap. de Iudeis. distin. 45. Iudæi per metum baptismate abulti, fidem, religionem, & legem Christianam seruare coguntur, eo quod Baptismatis characterem receperunt, sed qui per metum ordinatur, ordinis characterem suscipit: ergo continentiam seruare copellitur, si quidem continentia cum sacris ordinibus coniungitur, aut sacros ordines comitantur & sequitur, sicut Christiana lex ipsum Baptismum. Respondeo, nihil argumento concludi, quoniam Christiana lex Baptismum sequitur iure diuino: ac proinde qui Baptismū suscipit, etiamsi metu coactus suscipit, ipso diuino iure copellitur Christianam legem tenere, & seruare: at sacros ordines continentia non sequitur nisi votu implicitè & tacite facto ex Ecclesia statuto: & votum per metum mortis extortum irritum esse voluit Ecclesia.

T e r c i o opponitur, coacta voluntas per metum, voluntas est cap. Merito 15. quest. 1. ergo qui per metum sacris ordinibus initiatu, voluntarie ordinis suscipit, ergo voluntarie se voto castitatis obstringit. Respondeo, voluntatem per metum mortis coactam sufficere ad Baptismum, & ordinem recipiendum, sed non satis esse ad votum continentia faciendum: quia voluit Ecclesia, ut votum vim & locum non habeat nisi sponte fiat, hoc est sine metu in virum constantem cadente.

Qua r t o objicies, eum, qui per metum mortis recipit sacros ordines, debere continentiam seruare non quidem ratione voti, quod voluntarie est oportet, sed ratione Ecclesiasticae constitutionis, quam etiam inuiti cogimur observare. Respondeo, huiusmodi constitutione teneri, qui sponte sua absque metu mortis ad sacros ordines promouetur, ut ait Ricar. 4. distin. 25. artic. 4. q. 2. ad 3.

Si queraras, an qui per huiusmodi metum sacris ordinibus initiatu, gaudeat Clericorum privilegijs. Respondeo, eum perpetuo vlo & functione ordinum priuandum esse, nisi metu omni remoto continentiam perpetuam sponte promittat: Et propterea Clericorum priuilegio gaudere non potest, si ad nuptias transcat.

N o n d Quæritur, An puer, qui antequam sit rationis compos, sacris est ordinibus initiatu, continentiam seruare debeat, cum ad etatem adulatam peruerterit. Palu. in 4. distin. 25. q. 3. artic. 1. ad finem ait, eum nullo voto castitatis obstringi, & iure posse nuptias contrahere, quia continentiam

seruare

seruare non cogitur, at postea in 4. dist. 37. q. 1. art. 2. concl. 3. Oppositum videtur docere, ait enim eum continentiam seruare perpetuo debere non vi voti, sed vi statuti Ecclesiastici, quo ligantur qui sacris ordinibus sunt iniciati. Idem etiam Bernar. sensit in cap. 1. de Clerico per salt. promoto. Ricar. in 4. dist. 25. art. 4. quest. 2. ad 3. responderet continentiam secundum aliquos non esse annexam ordinis sacro, nisi quando quis ipsum voluntariè suscipit: quamvis aliqui dicant contrariū. Sic ille. Sotus 4. dist. 25. q. 1. art. 2. absolute negat euillo voti vinculo teneri, vnde dicit continentiam seruare non cogi, & possit nuptias contrahere, si velit. Idem censet Mai. in 4. dist. 24. q. 2. in 5. argumento, idem quoque docet Abbas in cap. 1. de Clerico per saltum promoto: vbi citat Inno. Hostien. Archidiaconum. Et hoc mihi videtur probabilius & verius. Conuenit inter omnes eum puerum ordinis characterem suscipere, quamvis male sit faciat, qui eum ad sacros ordines promouet, ordinis tamen functione & vsu priuatum esse, nisi cu[m] factus est rationis compos, continentiam perpetuam promittat.

Decimò queritur, an qui per ignorantiam sacris ordinibus fuerit iniciatus, continentiam seruare cogatur. Questionem mouet ratio, quæ videtur, ostendere eum nullo voti vinculo obligari, eo quod ignorat omnino, eos, qui ad sacros ordines prouehuntur, continentiam polliceri. Respondeo distingendum esse: aut qui ordinatur, penitus ignorat se ordinem sacram recipere, aut scit quidem se ad sacram ordinem promoueri, nescit tamen an continentiam promittant, qui ad sacros ordines ascendunt. Si primum, continentiam seruare non cogitur in foro conscientia, quia non suscepit sacram ordinem voluntariè, eo quod fuerit ordinatus ignorans omnino quid in eo fieret: in foro tamen judiciali, talis ignorantia non censebitur probabilis & iusta. Si secundum, continentiam seruare iure compellitur, quia votum continentia implicite fecit eo ipso, quod sciens ac volens sacris est ordinibus iniciatus: Sicut etiam preces Horarias Canonicas recitare debet, quamvis nescierit se ea lege obligari: nam qui vnum sciens facit, facere iure creditur, quod est penitus annexu ei, quod facit. Qui prætoris officium sciens recipit, suscipit etiam voluntariè onera officio connexa.

Vndecimò queritur, an relicta vxori eius, qui ad sacros ordines promouet, post obitum viri iure possit alteri nubere, & an, si alteri nupserit, matrimonium vim habeat. Conuenit inter omnes, si consensu vxoris expresso vel tacito vir ad sacros ordines ascenderit, viduam relictam alteri nubere iure non posse: quia eo ipso, quod consentit, ut vir sacros ordines suscipiat, cogitur religionem profiteri, si iuuenis sit, vel suspecta di incontinentia, aut saltem si fuerint sexageneria, cogitur continentiam perpetuam vouere. Itē constat apud omnes matrimonii contractum ab huiusmodi vxore vidua relicta iuritu esse & inane, ut patet ex cap. Si se cuiquam, & c. Si qua vidua, dist. 28. & c. Seriatim, dist. 32. Sed dubia questionis est, cur huiusmodi matrimonium sit irritum. Hanc questionem tractat Bona. in 4. dist. 37. in expositione jure, & Glossa in c. Si se cuiquam dist. 28. Turrec. m.c.

Seriatim, dist. 32. & c. Si se cuiquam, dist. 28. Quidam teste Bonaventura, aiunt, vxorem consentientem viro, eo ipso vouere, & huiusmodi votum, cum solenne non sit, impedire matrimonium contrahendum, sed contractum non dirimere. Hoc tamen videtur pugnare cum eo, quod habetur in praedicto capite, si se cuiquam, dist. 28. Quare alij dicunt huiusmodi vxoris votum esse solenne, quia vir & vxor actiones spirituales secum inuicem comunicant, quare sicut vir sacris ordinibus iniciatus consensu vxoris votū solenne castitatis facit, sic & vxor, quæ viro consensit: ac propterea, si alteri mortuo viro, nubat, nullū est matrimonium. Ipse Bonaventura, & Glossa in praedicto capite, si se cuiquam, dicere videtur, hoc ideo esse, quia Canones & iura voluerunt, vt huiusmodi matrimonii effectu irriū & inane. Si QV A E R A S, quid juris sit, quum vir reluctantate vxore vel infacia, fuerit sacris ordinibus iniciatus. Quidam aiunt idem iuris esse de ea, quod est de vxore, cuius consensu explicito, vel tacito vir ordinatus est: id est, idem iuris esse de vxore consentiente, vel scientie, & non reclamante cum posse: quia, inquit, matrimonium non sit irritum ratione voti, quod vxor fecerit, sed quia Canones & iura statuerunt, vt vir & vxor secum inuicem actiones spirituales communicarent, quod vim & locum haberet in vtraque vxore. Alij dicunt, non esse idem iuris in vtraque vxore, & eam, qua renuente vel ignorantie, vir sacros ordines suscepit, possit nuptias iure contrahere viro defuncto. Sic videtur sentire S. Thomas in additionibus. q. 53. art. 4. ad 4.

Duodecimò queritur, quid dicendum, si maritus scientie & repugnante vxore est sacris ordinibus iniciatus? Respondeo cum Abbe in cap. 1. de Conuers. coniug. num. 7. vxorem ius habere repetendi virum suum. cap. Quidam. de Conuers. coniug. & vir vxori restitutus debitum coniugale reddere, iure ipso compellitur, nequit tamen petere debitum, quia suo iure cessit voto castitatis sese obligans. Angel. Verbo. Matrimonium. 4. num. 11. Silu. diuortium. quest. 17. Tabien. Matrimonium. 1. quest. 3. Armil. diuortium. num. 11. Rosel. impedimentum. 11. Idem. iuris est, si vir ordinatus est vxore consentiente quidem, sed mox probabili & iusto hoc est caidente in constantem virum coacta. c. Accedens. de conuers. coniugat. idem iuris est si per dolum consentit. cap. Veniens. de conuers. coniugat. Abbas. Angelus Rosel. Silu. Tabien. Armilla. locis citatis, idem dicendum si ordinatus est vxore ignorantie. c. Place, de Conuers. coniugat. Abbas & alij supra citati: idem dicendum quando ordinatus est vxore scientie, & nec contradicente, nec consentiente, sed conniuite, vt colligatur ex c. Consulunt. de Conuers. coniug. Sic Abb. Angel. Silu. Rosel. Tabien. Armil. supra citati. Si QV A E R A S, an vir huiusmodi ordinatus, quem vxor dum vixit, potuit repetrere, sed non repetiuit, vxore mortua possit iure alteram duce-re. Respondeo, non posse. Sic Abbas Rosella. Angel. Silu. Tabien. Armilla locis supra citatis.

Decimotertio queritur, An vir post diuortium legitima iudicis Ecclesiastici auctoritate factum possit iure ad sacros ordines promoueri absque euillo vxoris per diuortium separatae consensu. Respondet Sot. in 4. dist. in 36. quest. 1. art. 5. ad finem posse,

posse, si vxor causam diuortio dedit, quippe quæ adulterium publicè cōmisit. Quidā iunior Theologus tructa de Sacram. Matrim. q. 53. art. 4. respondit posse, quia hoc definitum est in cap. Constitutus, de conuersi, coniugat. & quia hoc ipsum ratio cōprobat, quoniam huiusmodi vir potest in saeculo manens debitum coniugale vxori perpetuo denegare. Ergo potest sacros ordines recipere. Item potest iure in religionem ingredi, & eam profiteri vxore inuita. cap. Agathofa 27. q. 2. ergo & potest ad sacros ordines ascendere. Sed certè nō est cur Sotus tam certò in hac querentiam pronunciet, cum sit maximè dubia: nec est, cur ille alius Theologus ita esse definitum in cap. Constitutus, affirmet, cum Innocentius, Hostiensis, & alij grauissimi Canonici iuris interpres id omnino negent. Scendum igitur est: Iuno. Hoffen. Ioan. Andream in cap. veniens, de Conuersi, coniugat. Et Antonium Butrium, & Anchār. & Henricum in cap. Constitutus, de Conuerso, coniug. Astē sem in Sum. Lib. 8. tit. 11. art. 2. q. 9. & Ioan. in Sum. tit. de Conuersi, coniug. q. 58. docere huiusmodi virum possum quidem religionem capeſſere & profiteri sine vlo vxoris consensu, iuxta id quod habetur in cap. Agathofa 27. quest. 2. Sed non posse sacros ordines recipere sine vxoris consensu. Et ratio differenter, inquit, est, quia eo ipso quod vir sacros ordines recipit, vxor compellitur continētiam perpetuò feruare etiam post obitum viri, cap. Seriatim. dist. 32. & c. Si se cuicunque distinet. 28. quod locum habere non potest in vxore, cum vir religionem profiteret absque eius consensu: neque enim tunc vlo iure vxor continentiam vouere cogitur. Et quia durum est vxorem inuitam compellere ad continentiam perpetuo feruandam: hinc est ut nunquam citra consensum vxoris vir sit ad sacros ordines promouēdus, quamvis possit iure se ad religionem conferre. Vnde in cap. Constitutus, de conuersi, coniugat. quia vir quidam post diuortium ob adulterium vxoris ad sacros ordines ascenderat, dolore conscientiæ tactus ad Monasterium se contulit. Nihilominus tamen Abbas in cap. Constitutus, de conuersi, coniug. contra Innocentium, Hostiensem, & alios sentit huiusmodi virum iure posse sine vxoris consensu ad sacros ordines ascendere: nec in eo casu vxorem à nuptijs contrahendis post obitum viri repellit, quoniam nullum continentiam vorum emitit. Et Palud. in 4. dist. 37. q. 3. art. 1. docet, in ijs casibus, in quibus potest iure ingredi in religionem maritus inuita vxore, posse quoque sacros ordines suscipere: cuius sententiam ad verbum sequuntur Silu. in verbo, diuortium. q. 17. Tabien. matrimonium. 1. q. 3. Armil. diuortium. num. 11. Ego quamvis regulam illam generalem Paludani nō probem, quia vt paulo ante dixi post matrimonium ratū, quod non est consummatum, vir inuita vel infia vxore potest iure se ad religionem conferre, nequit tamen ad sacros ordines promoueri: probō tamen in hac parte Abbatis sententiam contra Innocentium, & alios videlicet diuortio factō, ob adulterium vxoris, & legitima iudicis auctoritate confirmato, posse virum sine vxoris consensu ad sacros ordines prouehi. Si obijcias, ergo non erat, cur ille, de quo sermo est in capite, constitutus, de conuersi, coniug. conscientiæ

stimulo vexaretur, eo quod sacrī ordinib⁹ efficit initatus post diuortium factum legitima iudicis auctoritate. Respondent quidam in eo capite, illum ideo conscientiæ stimulis premi, quia adulterium quoq; ipse commiserat: hoc tamen refutat Abbas ibidem, quia si vir adulterium admisit, in religionem ingredi non potuit, quoniam eo ipso debuit vxori suæ recōciliari, paria enim dilecta mutua compensatione tolluntur, vt dicitur in c. Intelleximus. & c. tua fraternitas, de adultere. Respondet Abbas, eum monasticam vitam suscepisse, vt maiorem suorum peccatorum penitentiam ageret. Sed quid si aliquis vxore ignorantie creatus, & consecratus esset Romanus Pontifex, nunquid posset vxor eum tanquam virum suum reperire? De hoc Glossa in cap. Si quis pecunia. dist. 79. & Abbas & ceteri in c. Constitutus, de conuersi, coniug. Glossa communī consensu approbata respondet, si certo constaret vxorem esse, & ignorasse factum, & induci ea vxor non posset, ad continentiam perpetuam in religione feruandam, refutui vir ipsi deberet, & Pontificia potestate, & dignitate in foro conscientiæ se abdicare cogeretur. Si res dubia esset, videlicet quia dubitaretur, de vxore, aut de eius ignoratiā, ipse, non aliis de re tota iudicaret. Haec ex Glossa.

Decimoquarto queritur, An Clerici in minoribus ordinib⁹ constituti iure possint ducere vxorem viduam, sive corruptam. Ratio dubitandi est, quia in c. Seriatim. dist. 32. habetur, Sancta Romana Ecclesia, de gradibus clericorum, ait, Clericos, Ostiarios, Letores, Exorcistas, Acolyti, si extra votum & habitum monachi inueniantur, & continentiam profiteri noluerint, vxorem ducere virginem cum benedictione faceret, ali permittuntur, non autem viduam aut repudiataam. Respondet, hoc ideo in eo capite dici, quia si huiusmodi clerici corruptam duxerint, amplius ad superiores ordines ascendere etiam post obitum vxoris, vel ad sacra Clericorum ministeria redire, & Clericorum priuilegijs gaudere iure non possunt at non peccant, si viduam vel corruptam duxerint animo, & voluntate nunquam amplius superiores ordines capeſſendi, vel clericorum ministeria obeundi, & priuilegijs potundi, cap. 1. de clericis, coniug. in 6.

Decimosexto Queritur, An clerici minoribus ordinib⁹ initiati, si ad nuptias transferunt priuilegia concessa clericis amittant in cap. 1. de clericis, coniug. in 6. ita legitimus: Clerici, qui cum vniuersis & virginibus contraxerint, si tonsuram, & vestes defrant, clericale priuilegium retinant canonis, ab Innocentio Papa secundo p̄. predecessor nostro editi in favorem totius ordinis clericali⁹. Et cum iuxta Parisiense Concilium nullus Clericus disstringi, aut cōdemnari debeat a indice seculari, praesenti declaramus editio, huiusmodi clericos coniugatos pro commissis ab eis excēsibus, vel delictis trahi non posse criminaliter aut civiliter ad iudicium seculare. Sic ibi. Et in Concil. Trident. Sess. 23. cap. 6. de reformat. habetur. In clericis vero coniugatis seruatur constitutio Bonifacij VIII. que incipit, Clerici, qui cum vniuersis. Modo hi Clerici alicuius Ecclesie seruitur, vel ministeria ab Episcopo deputati, eidem Ecclesie seruant, vel ministrent, & clericali habitu, & Tonis a viantur: nemini quoad hoc priuilegio vel confuetudine etiā immemorabili suffragante. Hęc synodus. Nō sufficit, si vñā tantum vestē clericorum deferat, & nō omnes, Francus & alij in c. clericis.

rici, de cleri coning. in 6. Couarr. de Practic. question. cap. 31. num. 7. Porro veltes clericorum propriæ censentur, ex quibus communis vsl & more in prouincia recepto clerici honestè vivuntur. Glossa in cap. penult. de vit. & honest. clericor. Couar. loco citato vbi citat Alex. Abba. Cardina. & Rochum. Item necesse est, ut clericus eo tempore, quo delictum admisit, deferat vestes, consura vtratur, & inferuiat Ecclesiæ: alioqui non sufficit, si post delictum patratum prædicta habeat, ex Couarruias loco citato. Si QVAERAT aliquis, an huiusmodi clericus gaudeat alijs clericorum immunitatibus. Respondeo, minimè, sed tantum gaudeat priuilegio concessio in cap. Si quis suadente. 17. q. 4. & priuilegio, ut coram iudice ciuili conueniri non possit. Archidac. Ioan. And. Geminia. & Francus in eo capite, Clerici, & Couarr. loco citato. Vnde liber non est à tributis, vecigalibus, & alijs contributionibus, & muneribus confuetus: nec potest esse. Vicarius Episcopi, sicut nō potest laicus. Si TERTIUS R. O. G. E. S. an si huiusmodi clericus negotietur, vel arma deferat, amittat duo prædicta priuilegia. Respondeo non amittere, sic docent Francus & Couarruias & alijs, quia Canones & iura solum postulant, vt gestet vestes clericorum proprias, & tonsuram, & inferuiat aliui Ecclesiæ Episcopi auctoritate eidē deputatus. Si TERTIO QVAERAS, an in causis ciuilibus videlicet quæ ex contractu, vel quasi contra eti descendunt, possit coram iudice seculari cōueniri. Francus negat, sed Ioan. And. Anch. Do-

minicus, Cardin. & Imola, quos refert, & sequitur Couarruias, affirmant, quia in capite Clerici, solum habetur, in causis criminalibus sive criminaliter sive ciuiliter: ergo in ciuilibus priuilegio non gaudet. Sed dubia questionis est, an huiusmodi clericus possit à iudice seculari in causis ciuilibus capi, & in carcere mitti. Francus negat, quia dicitur in c. clerici, iuxta Concilium Parisiense, non posse clericum disstringi, aut condemnari à seculari iudice. Couarruias ait esse alicubi vsl receptum, ut huiusmodi clericus in causis ciuilibus per iudicem capiatur, in carcere mittatur, & condemnetur ad debitum solendum. VLTIMO SI QVAERAS, an huiusmodi Clericus mortua vxore, si redeat ad propria clericorum ministeria, gaudeat omnibus priuilegijs, quæ sunt concessa clericis. Respondeo Abbas in c. z. de vita & honest. cleric. & Couarruias eum sequutus, gaudere, modo corruptam vxore non duxerit, & vnam tantum habuerit. Sed nūquid recuperabit ius, quod ab Beneficiu primò vacaturum, habuerat, antequam vxorem duceret. Respondeo cum Glossa in c. Clerici, prædicta: minimè, quia sicut eo ipso quod nuptias contraxit, amisit omne beneficium Ecclesiasticum, sic etiam amisit omne ius quod habebat ad Beneficium aliquod vacatum: & ius extintum, non reuinifcit.

Finis Ultimi Libri.



INDEX